

# RIME



**di Ezio Toneatto**

*Da molti anni il ristorante la Tavernetta “da Aligi” a Porpetto (Udine) dedica il mese di febbraio agli innamorati del maiale (“Nemorâz dal purzît”), con un menù ad hoc.*

*In questa occasione Ezio Toneatto dedica al locale ed ai suoi gestori le sue rime, che ogni anno prendono spunto dai fatti di cronaca e della tradizione friulana.*

## **“AZIONIST PURZIT”**

### **Rime friulane per il 2004.**

di **Ezio Toneatto** in occasione della ‘Fieste dai nemorâz dal purzît’ 2004  
Tavernetta da Aligi – Porpetto

Al pulitic si à di cròdi!!!  
Di sigûr a l’è onest!  
Se si cjâle in muse Prodi  
Si capís ca l’è di sèst.

Alfa, Fiat, Parmalat, Cirio  
dût in fûm il capitâl  
tà sachetis l’è un martirio  
l’è rivât un brût Nadâl.

Ma l’EUROPE nûs sigûre,  
e a Bruxelles a l’è stât scrît  
che par gioldi in tà criure  
baste elegi un bièl Purzît.

Il Purzît nò l’è indigèst  
caso mai a fa il malàn  
l’è il caffè, chel di Trièst  
mareôs par il Furlàn.

Ma la Bèstie la plûi Bièle  
nûs darà un bòn cicin  
nò caffè, nò mortadèle  
ma lujànie pàn e vin.

E alòre jù a Porpêt,  
là di Aligi, Ezio e Clie  
il Purzît e lè sul spêt  
e nûs spiete in gran ligie.

## "GLOBÂL PURZÍT"

di **Ezio Toneatto** in occasione della 'Fieste dai nemorâz dal purzit' 2002  
Tavernetta da Aligi – Porpetto

Il Puzít l'è stat copât,  
ma il reato no l'esíst.  
Se a copàlu sarà stât  
un globâl o un pacifíst.

Casarini e i sie sotâns,  
chíste pròpit no nùs plâs,  
fâsin come i mussulmâns  
nùs sàssínin in nòm da pâs.

Ma zé pâs a jé mai chiste?  
Sassinâsi vié pas strâdis,  
brùte ínt simpri plùì trístè,  
le pâure in tà contrâdis.

Bin Ladén e Omár, so frâdi,  
sòn plâtaç dôngje Kabùl,  
e án cjatât chèl dal formâdi  
e cumò i brùse il kùl.

Ma il fùrlan l'à une musine,  
nò di euro, di civiltât,  
là di Aligi tè cusíne  
il purzít l'è rispíetât.

L'è curât in gràn maniere  
cusinât cùn gràn pasiòn  
di gustá matíne e sère  
cùnt'un litro di chèl bòn.

## “PURZÌZ”

di **Ezio Toneatto** in occasione della ‘Fieste dai nemorâz dal purzìt’ 2001  
Tavernetta da Aligi – Porpetto

Zè ànade disastrôse,  
nùs àn fat pròpit di ògne,  
chí nùs ciàpin pà la gòse,  
nùs rondòlin tà vergogne.

Cùl pedofilo e cùl gay,  
cùl sassin e il dilinquent,  
a pajà son simpri chéi,  
in chist mònd cusí violent.

Ma in avrîl lis votaziòns,  
scovín fûr la porcarie!  
Cjatarín lis soluziòns,  
pàr iustà la compagne.

Vònde vácjs impestàdis!  
Che si tòrni a un mònd plùì pûr,  
sìe tàì platz e sìe tà stràdis,  
cùl purzìt tu stàs sigûr.

Stà sigûr che in fevrâr,  
a Porpêt te Tavernette,  
il Purzìt l’è sul breâr,  
a spietá la ìnt plùì sclètte.

Pàr giavàsi chist magòn,  
tornarín in aligríe,  
a mangià il cicín plùì bòn,  
là di Aligi, Ezio e Clíe.

# "PURZITTENIUM"

(*Millennio del Maiale*)

di **Ezio Toneatto** in occasione della 'Fieste dai nemorâz dal purzît' 2000  
Tavernetta da Aligi – Porpetto

Zè biél mònd dût colorât,  
la ligrie jé pâ strâdis,  
il millenio l'è pasât,  
vîn tornât a sèdi frâdis.

Nò plù ùere in Albanie,  
nò barùfis tàl govêrno,  
stìn vivìnt la poesie,  
di ùrisi un bén etêrno.

Duç i frûz che fâsin fieste,  
sud e nord in eguagliânze,  
l'imigrât s'al'ûl al rèste,  
si pòs duç emplà le pânze.

Sino pròpit tàl doimîl?  
Stìn fasint il Giubiléo?  
Nôl sarà il prìn di avrîl?  
E pò nùs fâsin maraméo.

Ma pàr mèti il côr in pàs,  
là di Aligi Ezio e Clie,  
le seràde che nùs plàs,  
stà rivànt, jè zà pàr vie.

E àlore, l'ère scrît,  
saludìn il gnôf millenium,  
pà le fieste dàl purzît,  
fasarìn il "Purzittenium".

## "TENTENÂL PURZÏT"

di **Ezio Toneatto** – in occasione della 30<sup>a</sup> “Fieste dai nemorâz dal purzît” 1998  
Tavernetta da Aligi – Porpetto.

Èco cà à l'are scrît  
capitât di bôte e sclòpe  
trènte fièstis dal purzît  
e zinquant'àins su le codòpe,

ma l'è stât bièl une vùre  
di cjatâsi cui amîs  
lí par fasi une cultùre  
dal purzît, dal cjâf ai pîs,

cùn lujanie e sanganèlis  
là di Aligi le jnt iùste  
fantazínis di chês bièlis  
che ti tirin sù di sùste.

Senatôrs e depuâz  
ti sasinino le vîte ?  
Lasse stá chei matetâz,  
vèn càjù che si purzíte !

Fevrarût e Valentín  
cùl purzît a sòn tornâz  
pâr brindá cùn pàn e vin  
ai trent'àins dai nemorâz

e si tràte sí di amôr  
parzé Elsa, Ezio e Clíe  
a ti emplarán il côr  
di amicízie e di lígrie.

## “NUVIZÂL D’ARÏNT”

di **Ezio Toneatto** – in occasione della 25<sup>a</sup> “Fieste dai nemorâz dal purzît” 1993  
Tavernetta da Aligi – Porpetto.

Vin tacât cusì ... pâr gùst  
Par cjatâsi in compagne,  
a mangiâ tâl puèst plui jùst,  
il purzît in gràn ligrie,

Sòn pasâz di àins ‘ne vùre,  
Jè pasâde tante int,  
Tà bondanze e tà criùre,  
cui cjavèi vignùz d’arint,

Sòn pasâz duc i partiz,  
l’è gambiât àncje il govèrno,  
e nùs làsin avilîz,  
a sperà tâl Parieterno,

Ma il Furlàndi bùine ràze,  
al gognòs i sie purzìz,  
cùn che int lui nò s’impàze,  
pâr nò piàrdi i sie diriz,

Il dirit di un Nuvizâl,  
là di Aligi, Ezio e Clie,  
sùbit dopo di Nadâl,  
cùn i amis ... in armonie.

## “PICONÀDIS SUINIS”

di **Ezio Toneatto** – in occasione della 24<sup>a</sup> “Fieste dai nemorâz dal purzit” 1992  
Tavernetta da Aligi – Porpetto.

Zè brút mònd disciàdenât,  
cùn l'Iraq vin stât in ùere !!!  
Vin piardût ? Vin paregiât?  
Chiste pâs ùs pàrie vèrè?

L'è finût il comunismo,  
Gorbaciov destituit,  
l'è sigûr un eroismo,  
là à votà par un partît !!!

Se Andreót, Ochetto e Craxi,  
cùn Francesco e sîe picôns,  
a montàsin in t'un taxi  
e si giavàsin dai c...òns?!

Si farès une grande fièste,  
duç insieme a purzitâ,  
pàn, lùjanie ùes e cueste,  
e dôs vilòtis pàr cjantâ,

Lá di Aligi in ostarie,  
il cutuardis di fèvrâr,  
cûl purzít in compgníe  
tà chist mònd símpri plùì râr.



## “TELEPURZÌT”

di **Ezio Toneatto** – in occasione della 21<sup>a</sup> “Fieste dai nemorâz dal purzit” 1989  
Tavernetta da Aligi – Porpetto.

Còlin jù i reoplâns,  
còlin jù fasínt crik crak,  
attentâz di mussulmâns,  
il morâl l’è sòt dal tac.

Nò si pòs còri pà stradis,  
à l’è Ferri lá in aguât,  
vín lis aghis inquinadis,  
le atrazine jù pal prât.

Ma chei sòcios dal governo,  
nûs prometin ogni dí,  
cò sarín siòrs in eterno,  
si pòs spindi simpri pí.

E àlore fasín fieste,  
festegín San Valentin,  
che nûs spíete la migniestre,  
cùl purzit e cùl cicìn.

Là di Aligi àn preparât,  
sùbit prime di Nadâl,  
un quintál di purzitat  
e di vìn un gran bocál.

Cuèste, uès e lujanís,  
à nûs pàrtin la ligrie,  
cun brusadule e talpîns,  
jè gràn fieste in compagnie.

## "ATOMIC PURZÌT "

di **Ezio Toneatto** in occasione della 'Fieste dai nemorâz dal purzìt' 1987  
Tavernetta da Aligi – Porpetto

Ecco cà, l'è capitât,  
o sin pléns di neutrôns,  
Cernobyl a l'è scupiât  
Van di màl ancje i c....

Nò si pòs mangià salâte,  
nò si à di bevi làt,  
chí le int jé dute màte,  
sin di màl o sin dal giât.

A' jé nome la grand béstie,  
ché cà ronte quânt che ûl,  
cá nùs garantis la fieste  
in te basse dal Friûl.

L'é il purzit. soiors ingegnêrs,  
che cul sò grand sacrifici,  
al dimostre ai ûmins vêrs,  
cui cá l'á di plui udizi.

L'é cusì che la jnt sclète,  
quant c'al al vèn San Valentin,  
rive chì, te Tavernète,  
á gustá purzít e vin.

## "TERRORIST PURZÌT"

di **Ezio Toneatto** in occasione della 'Fieste dai nemorâz dal purzìt' 1986  
Tavernetta da Aligi – Porpetto

Libanês e Israeliâns,  
Arafât e Abù Abbàs  
son rabiâz e, tra di lôr,  
dut il dì si tirin clàs.

Si turtùrin, si sassinin,  
saltin giâmbis, pîs e mâns,  
se pò al rive Komeini,  
son dolôrs e son malâns.

Chiste jnt, i mussulmâns,  
mângin gnèur, gialinis, cjâns,  
ma no pòdin, à l'è scrit,  
mangjá rube di purzìt.

Lûr nò mângin luianúz,  
sanganèi e purzitât,  
l'è par chél che son duç brùz  
e il so mond à l'é agitât.

Sù Aligi, benedèt,  
fâi zerzà un bièl musét,  
pàrtiu chî a S. Valentin,  
à gustà cùl bòn cicìn,  
e tu pòdis stá sigûr,  
che tu i tocjárás il cûr.

## “BLANC E NERI - ZEBRETE PURZÌT”

di **Ezio Toneatto** in occasione della ‘Fieste dai nemorâz dal purzìt’ 1985  
Tavernetta da Aligi – Porpetto

Purzitâte le miserie,  
no si rive a fa un gòl  
e chist'an a jé zá série  
vin le squadre che fàs dòl.

Un consei o vin di dá,  
s'al permet, al “Viej león”,  
che si torni a zujá,  
quant chél “Turo” al torne bón.

Son patìz chei fantazins,  
zúin mâl, fâsin pietât,  
an bisngne di grapíns,  
di sbruade e purzitât.

Mazza! svelt, tire le suste  
partju cá te Tavernete  
che o vin le cure juste  
par fa vinzi le Zebrete.